

百宋樓藏書志

前宋樓藏書志卷二十八

存齋雜纂之六

歸安陸心源剛甫編

史部

史鈔類

兩漢博聞十二卷

明刻本

宋楊中修

黃省曾序

通鑑總類二十卷

明刊本

章紫伯舊藏

宋沈德潛

資治通鑑不刊之書也司馬公自言精力盡於

此書而士夫鮮有能徧讀者始則以科舉而求簡便世所傳節本自謂得此足矣名宦既成則又多汨於利名之場益視爲長物矣貳卿袁公樞集爲紀事本末孝宗一見以爲精要至取殿陵官本以備乙覽盛矣故詹事光祿沈憲敏公少而着學晚益不倦屢歷中外入從出藩年登九秩神明不衰素無聲色之奉形清氣和望之如神仙然旣挂衣冠向來功名政事付之昨夢而筆力勁敏不減少年書生取司馬公所著各以事類編之爲二百七十一門首日怡世日知

人終曰辨士曰烈婦而後自戰國以迄五代一
千三百餘年之事彙聚臚分粲然易見繁詞細
故悉刪去之古所謂毫期稱道不勑者其公之
謂乎公之季子守湖陽欲鈹板以廣其傳以承
先公之志俾鑰序之鑰晚出試郡永嘉寔守蕭
規以自免於戾荷公忘年定交知予甚厚又與
公之子都官泊永州昆仲游爲書卷首以示後
之君子使知前輩之學問云嘉定元年仲冬朔
旦四明樓鑰序

古者左史書勤右史書言各以類屬稽古考文

如指諸掌世降事屬紀錄紕紊宋司馬文正公
法春秋紀年探剔歷代之史取其有關於治道
者而折衷之繫於各年之下始於周威烈王廿
三年終於五代之末千三百六十二年之事瞭
然在目名之曰資治通鑑與六經並行于世矣
然有志於事功者每病其繁而不能周覽悉記
施之於事蓋有茫然者矣寧宗朝詹事沈憲敏
公潛心史學以引年餘力披通鑑所載君臣人
物性行功業論議籌謀制作事爲各以類聚條
分貫秩爲門二百七十有一始以治世終以烈

婦名之曰通鑑總類凡二十卷披而觀之粲然
若名都之買區百貨品列森然若大廷之武庫
五兵敘陳其比倫附義不惟使緝尋而捷討究
鑒古施今寔足以彰勸懲而慎舉措雖謂之用
世之書可也是書鈔梓于朔陽數千里之外世
亦罕見今江湖行中書省左丞海陵蔣公德明
分省于吳偶購得之編閱深玩嘉其編次有益
于治意積歲弗靖兵燹所被無不蕩然非廣其
傳必致泯沒遂命郡庠重刻之以行于世而都
事錢君達請于文以表章之夫經藉遂與史冊

浩夥簡撮精密莫若通鑑離折明切莫若總類
習通鑑以識體要究總類以備遺忘正已治人
擇善而從進德修業居易以俟將見樹立事功
抗美於古昔之明哲者矣蔣公得是書不私其
有而以公天下爲心則於稽古考文豈小補哉
書曰人求多聞時惟建事君子未有不師古而
能有爲者也故述其所由使知發明是書者自
蔣公始至正廿三年歲在癸卯秋七月旣望前
太史知制誥鄱陽周伯琦敘

李賁敘

天啟

漢雋十卷 明刊本

宋 括蒼林鉞輯

三代之文至周大備遭秦焚滅蕩然無存迨至
炎漢文運重開篤生賢俊而賈董班馬楊雄之
輩迭出其卓卓屹立于衆人之表者惟班固一
人耳於是購求三代煨燼之餘典參攷以定當
世之憲章遂纂成漢史無慮八十萬餘言具載
文獻典章禮樂名物君臣賢否政教得失天下
風俗之異治亂之由靡不舉具而使西京二百
餘年之事班班可考雖然但去古未遠語雖精

奧而文多艱澁學者讀之猝然莫能曉其義也
朱紹興問括蒼林公鉞究求文義提其語之精
奧文之艱澁而不易曉者大書以列其上復用
顏師古諸儒訓釋細書以明其下纂成一書分
爲五十篇名曰漢雋蓋取劇通爲書其說雋永
之義其文意深長而論議甘美也遂鏤諸梓以
廣其傳蓋有以使學者披卷一覽則知其義而
無疑可以見其用心之勤而有功於斯文也大
矣嗚呼前人之制作必賴後人之發明是以班
史非漢雋不能明其義漢雋非林公不能纂其

要矣然則是書之作非惟有裨於來學而實有
功於班史也哉元統元年上巳日揭傒斯序

東萊先生史記詳節二十卷西漢詳節三十卷東漢
詳節三十卷三國志詳節二十卷晉書詳節三十卷
隋書詳節二十卷南史詳節二十五卷北史詳節二
十八卷唐書詳節六十卷五代史詳節十卷

明慎獨齋刊本

宋呂祖謙編

李堅序 正德戊寅

歷代故事十二卷 宋刊宋印本

宋陽武山

言雖出而非夸事不名則不舉是以居上之人
往往拱默無爲恐人不察是心腹誦巷議以爲
好夸言而名事也老兄永陽郡王昨處庠序親
書歷代故事上自三代下及五季開門聚類包
羅揆敘靡不載焉清雅餘暇聊備檢閱庶道不
非夸大其

學名其事但爲之猶賢於己耳壬申歲仲春
望日坤寧殿題

案是書不著撰人名氏各家書目亦未著錄序
署坤寧殿題則當爲皇后所製因以序中老只

永陽郡王一語求之知爲宋楊次山所輯序則
寧宗楊皇后所製也次山字仲甫后之兄也其
先開封人家于越之上虞少好學能文補右學
生后受冊封永陽郡王後封會稽郡王卒年八
十八韓侂胄之誅悉出其謀事詳宋史外戚傳
及后妃傳史稱后涉書史知古今其序當后所
自製壬申年寧宗嘉定五年也其書乃次山手
書付刊書法娟秀可喜嘉定壬申距今六百餘
年完善如新良可寶也

載記類

吳越春秋十卷

元刊本

後漢趙世撰元徐天祐音註

吳越古稱東南僻遠之邦然當其盛彊往往抗
衡上國黃池之會夫差欲尊天子自去其僭號
稱子以告令諸侯及越既有吳勾踐大盟四國
以其輔王室要其志皆歸於尊周其知所天矣
孔子作春秋雖小國猶錄而書之而況以世言
則禹稷之裔以地言則會稽具區其川其浸周
職方氏列爲九州之首皆足以望天下故記可
缺而不傳乎吳越春秋趙世所著隋唐經籍志

皆云十二卷今存者十卷殆非全書二志又云
楊方撰吳越春秋削繁五卷皇甫遵撰吳越春
秋傳十卷此二書今人罕見獨擘書行於世擘
傳在儒林中觀其所作乃不類漢文按邯鄲李
氏圖書十志目亦謂楊方嘗刊削擘所爲書至
皇甫遵遂合二家考正爲之傳註又按史記註
有徐廣所引吳越春秋語而索隱以爲今無此
語者他如文選註引季子見遺金事失地記載
閭廬時夷亭事及水經註嘗載越事數條類皆
援據吳越春秋今擘本咸無其文亦無所謂傳

註豈楊所已刊削而皇甫所未考正者耶。隱書
最先出東都時去古未甚遠。擘又山陰人。故綜
述視他書所紀二國事爲詳。取節焉可也。其言
上稽天時。下測物變。明微推遠。瞭若蓍蔡。至於
盛衰成敗之迹。則彼已君臣反覆上下其論議。
種蠱諸大夫之謀。迭用則霸子胥之諫。一不聽。
則亡皆鑿鑿然。皆可以勸戒萬世。豈獨爲是邦。
二十年故寔哉。隱書越舊嘗銛梓。歲久不復存。
汴梁劉侯來治。越獎厲學校。蒐遺文。修墜典。乃
輟義田廩。羨財重刻于學。不鄙謏聞。屬以考訂。

且命序其左端夫越人宜知越之故則是舉也
於所缺不爲無補遂不得辭厥旣刊正疑訛過
不自量復爲之音注併考其與傳記同異者附
見于下而互存之惜其間文義猶有滯礙不可
訓知不敢盡用臆見更定又無皇甫本可證姑
從其舊以俟後之君子考焉侯名克昌世大其
字云郡人前進士徐天祐受之序

大德十年歲在丙午三月音註越六月書成刊

版十二月畢工

前文林郎國子監書庫官徐天祐音註 紹興

路儒學學錄畱堅 紹興路儒學學正陳昂伯
紹興路儒學教授梁相 正議大夫紹興路
總管提調學校官劉克昌

周氏手跋曰丁酉歲民間譌傳遂良家女子以
寔後宮一時婚嫁殆盡予亦有覆額之娶父執
朱彥兼先生以檀孟合刻及此本相贈閱一年
而朱先生物故又五六年而先室亦天丁卯夏
秋天作淫雨此書爲漏所濕重爲裝飾屈指卅
年間升沈變態不一而足自此一往不知又何
如也棘人訥齋周靖記

吳越春秋十卷 明覆元本

後漢趙睦撰

按元板每半葉九行行十八字覆本半頁八行
行十七字卷末刊版年月銜名與元本同

越絕書十五卷 明雙栢堂刊本

黃真撰

無名氏跋曰越絕復仇之書也子胥夫差以父
之仇句踐以身之仇而皆非其道焉夫君天也
君有臣而君殺之尚可仇乎故子胥鞭平王之
墓爲不義闔廬之死夫差使人謂已曰而忘越

王之殺而父乎則對曰不敢忘三年乃報越故夫椒之敗釋越而不誅爲不孝會稽之棲苦身焦思嘗膽而食卒以滅吳不知越實得罪於吳而吳之赦已也故其卻公孫雄之請爲不仁春秋書子胥之事曰吳入郢狄吳而諱楚也於夫椒之戰則不書蓋不足乎書也於黃池之會書於越入吳狄越而咎吳也春秋之未復仇之事莫大於斯三者越絕實備之有國有家者可以

鑒觀焉

丁繡跋

嘉定庚辰

越絕書十五卷

明嘉靖刊本

漢書

隋經籍志越絕紀十六卷崇文總目則十五卷
注司馬遷史記者屢引以爲據于紹熙壬子遊
吳中得許氏本畝舛特甚嘉定壬申合餘杭又
得陳正卿本乙亥官中都借秘閣本以三本互
相參攷擇其通者從之乃塵可讀然猶未也念
前所見者皆謄寫失真不板行則其傳不廣則
各私其所藏莫克是正遂刻之夔門以俟來者
庚辰七月望日東徐丁翰書

越絕書苦無善本近得了文伯以蜀中所刊者
見示參攷粗爲可讀因刊置郡齋以補越中之
闕云嘉定甲申八月旦日新安汪綱書

無名氏跋

田汝成序 嘉靖二十四年

都穆跋 正德己巳

華陽國志十二卷 明嘉靖刊本 周松鶴書藏

江原常璩道將撰

呂大防序 元豐戊申

李奎序 嘉泰甲子

張佳胤序 嘉靖癸亥

十六國春秋一百卷 明刊本

魏散騎常侍崔鴻撰

甘士价序 萬曆三十七年

九國志十二卷 精抄本

宋路振撰

案路振字子發永州祁陽人事蹟詳宋史本傳

王伯厚云九國志四十九卷其孫綸增入荆南

高氏治平元年六月上之實十國也陳振孫則

云末二卷張唐英補撰合五十一卷其書久佚

餘姚邵二雲編修於永樂大典中錄得編爲十
二卷凡吳四十四南唐一吳越五前蜀十八後
蜀十八後蜀廿七東漢五南漢八附黃思安
王忠順楚十九北楚一計傳百三十六篇北楚卽荆
南高氏也

釣磯立談一卷

舊抄本

鮑淥飲舊藏

自序曰叟山東一無聞人也清泰年中隨先校
書遊地江表始營釣磯於江渚先校書意薄簪
組心許泉石每乘雙犢版轅車車後挂酒壺山

童三五人例各總角負瓢并席具以自隨遇境
物勝槩則取酒徑醉或爲歌詩自號釣磯閒客
割江之後先校書不祿叟嗣守敝廬頗窺先志
不復以進取爲念會王師弔伐李氏挈宗以朝
湖海表裏俱爲王人大同之慶有識之所共咸
以爲百生不可逢之盛際叟獨何者而私自怫
鬱如有懷舊之思追惟江表自建國以來烈祖
元宗其所以撫奄斯人蓋有不可忘者時移事
往將就蕪沒叟身非朝行口不食祿固無預於
史事顧耳目之所及非網罟之至議則波濤之

竊語也隨意所商聊復疏之於紙僅得百二十
許條總而題之曰鈞璣立談使小子溫成爾於
口粗以存其梗概云吁文慙子山之麗與哀則
有之才愧士衡之多辨亡亦幾矣

何氏手跋曰鈞璣立談往見崑山徐司寇大字
朱本紙刻精好迄今猶在目中昨於殘臘買得
此本頗以其胥鈔拙劣爲棄頃偶將曹氏新刻
粗校曹刻脫誤不勝其多開冊便缺一二版兩行
又少一敘後此脫誤版版皆是不可枚數曹刻
出於竹垞卽此虞山秀水之本善惡立辨矣康

熙乙未秋末小山記

盧氏手跋曰丁酉七月二日東里盧弓父閱竟
元本有汲古主人毛子晉父子圖章蓋善本也
託江寧李生育芬做鈔之戊戌四月回杭見鮑
氏新刻因再閱一過二十五日

又曰此書南唐國亡後記其興衰之槩不知何
人著其自序云叟山東人清泰中隨先校書避
地江表父子皆不以進取爲念書中有云山東
有隱君子者與韓熙載同時南渡以說于宋齊
邱齊邱引以見烈祖擢爲校書郎不能用其言

也於是放意臬石遂卒不仕此殆卽其先人數
是書於忠佞功罪之迹可稱實錄徐鉉等撰江
南錄誣播佑之死以妖妄叟雖未見其書而疑
其必有曲筆爲書佑以直諫死使後之人不信
其謬悠其用意抑何至也序云得百二十許條
今計之藏三十條然要領已無不盡且相傳止
一卷未必本書多於此三倍也曹氏刻本多訛
脫此本爲何小山所傳較完善因傳錄之乾隆
四十二年七月戊辰東里盧文弨書於鍾山書

院

江南野史十卷

舊抄本

鮑以文舊藏

宋螺川龍袞撰

趙氏手跋曰江南野史宋螺川龍袞撰以紀傳體載南唐事前人每多引用但攷之鄭氏通志晁氏讀書志宋史藝文志俱作二十卷此云十卷似非足本杭堇浦云野史凡八十四篇自明以前已缺其半可知殘闕久矣此本傳抄于朱竹垞曝書亭又假吳氏瓶花齋鮑氏知不足齋藏本彼此校讎魯魚帝虎之訛未能盡除尙須更俟善本也乾隆壬子秋九月二十六日趙輯

寧書于古歎書屋之南窗

某氏手跋曰宜壽王後一段係小周后傳當附
周后傳後予家藏本亦然初疑訛脫今閱此本
正同知江以南無完本矣庚寅冬日芝記 李
後主賜牽機藥云云出龍衰江南錄今檢此本
無之豈龍衰別有江南錄耶抑或以所載不實
自毀其板而著此江南野史耶今不可攷矣次
日芝又記

江南野史十卷 舊抄本

宋螺川龍衰撰

三楚新錄三卷

舊抄本

黃堯圃手校

宋儒林郎試秘書省校書郎前桂州修仁令周

羽冲編

黃氏手跋曰丁卯夏借陳簡莊所藏吳枚菴手

抄本傳錄并校其誤脫復翁

五國故事二卷

黃堯圃校本

不著撰人名氏

蜀檮杌十卷

舊抄本

宋尚書屯田員外郎黃松子張唐英汝功撰

嘗觀自古姦雄竊據成都者皆因中原多故而

閉關恃險以苟偷一時之安譬夫穿窬之人利於昏瞶之夕至於白晝皎然則無能爲也且韋皋守蜀二十餘年其材智機權過於王孟遠矣正欲求兼兩川節鉞而不能得劉闢或衛士之言自謂才過項羽不數月就檻車之縛蓋是時朝廷清明刑政修舉賢智在位紀綱整葺雖彼欲不臣勢不能爲也使皋闢在五代時其爲惡必有過于王孟者以此知朝廷治則蜀不能亂朝廷不治則不惟蜀爲不順其四方藩鎮之不順亦有不下於蜀者當王衍之入洛也三蜀之

人盡喜中國之有聖人而莊宗總制失馭中外
繼叛蒲禹卿痛哭曰觀天下事勢如此蜀人豈
有安泰之期耶必重不幸耳洎知祥入蜀之後
明宗頗以蜀人爲疑凡高貴有力者盡令東徙
張丕立歎曰蜀中之叛非蜀人爲之也皆朝廷
所委用之臣所爲也其言蓋有激而云爾善乎
田龍游之論曰僭偽之主改廳堂爲宮殿改紫
綬爲赭袍改僚佐爲卿相改前驅爲警蹕改妻
妾爲后妃何如常稱成都尹永無滅族之禍耶
茲可謂玉石切至之言也王孟父子四世凡八

十年比之公孫述輩最爲久遠其間善惡之迹亦可爲世之鑒戒然編錄者如蒼舊傳鑑戒錄野人間話之類皆本末顛倒鄙俗無取真宗時知制誥路公振修九國書有前蜀後蜀世家列傳然而煩簡失當尙多疎畧如張扶馮涓張士喬段融蒲禹卿張雲陳及田洵諫草章疏皆有益于世教盡棄而不錄此觀者所以惜其有未備也子家舊藏前蜀開國記後蜀實錄凡三十六卷嘗欲焚弃而不忍今因檢閱始終削去煩冗編年敘事分爲二卷其間事實未顯如髣須

肥遺遠望續長禹糧蒲騷之類各爲解其失悞
凡五代史及皇朝日歷所載者皆畧而不書名
曰蜀樁杙蓋取楚史之名以爲記惡之戒非徒
衍其小說亦使亂臣賊子觀而恐懼云爾張唐
英汝功撰

南唐書三十卷

明嘉靖刊本

宋

自序曰傳曰太熙之後述史者幾乎罵矣唐季
五代大盜割劇各亦有史而太熙之風往往有
之南唐寢滅史官高遠慮貽後悔悉取史草焚

之而死徐鉉湯悅奉太宗皇帝敕追錄所聞而

忘遠取近率皆疎畧先祖太傅

元康

世家金陵多

知南唐故事旁搜舊史遺文并集諸朝野之能

道其事者未及撰次遽捐館舍今輒不自料纂

先志而成之列爲三十卷雖有愧於筆削而誅

亂尊王亦庶幾焉崇寧乙酉春正月陽羨馬令

又序曰嗚呼五代之亂符璽竊於大盜中國變

於夷狄先王之禮樂制度掃地盡矣李氏初據

江淮建唐廟以隆親與夫祖契丹而絕其父者

孰寔始郊祀於園丘與夫尙野祭而焚紙繒者

孰重五代之君若彼南唐之制若此則正統疑於不存而僭竊疑於無罪也子作此書尊天子於中原而僭偽之事則不爲南唐諱者豈無意哉蓋尊天子所以一天下之統書其僭所以著李氏之罪其統旣一其罪旣著則竊土賊民者無遁刑於天下後世矣昔孔子作春秋非徒載其陳言也竊取其義以爲人道之大法而已子之所論有合於此者弗可不察也王通之作元經第以進退南北而亂其正統輒自比於孔子曰春秋元經於王道是輕重之權衡且孔子所

書彼善於此則有之而正統常在於周通之所
書者宋魏之間其統未嘗一也使後世擾擾而
不知其正者必自通始嗚呼法春秋而不知春
秋之法者豈特王通乎

姚昭跋

嘉靖庚戌

南唐書十八卷音釋一卷 歐子里校本

宋書

天曆改元余待罪中執法監察御史王主敬謂
余曰公向在南臺蓋嘗命郡士戚光纂輯金陵
志始訪得南唐書其於文獻遺闕大有所考証

裨助正多且爲音釋焉因屬博士程熟等就加
校訂鈔板與諸史並行之越明年余得告還金
陵書適就先來請序按南唐本紀李昇系出憲
宗四世間關困阨纔有江淮之地僅餘三十年
卒不復振而宋滅之雖爲褊小觀其文物當時
諸國莫與之並其賢才碩輔固不逮蜀得武陵
而張延翰劉仁瞻潘佑韓熙載孫忌徐鍇之徒
文武才業忠節聲華炳耀一時有不可掩矧其
間政化得失興衰治亂之蹟有可爲世鑒戒者
尤不可泯也竊謂唐末契丹雄盛虎視中原晉

漢之君以臣子事之惟顧乃獨拳拳於江淮
小國聘使不絕嘗獻橐駝并華馬千計高麗亦
歲貢方物意者久服唐之恩信尊唐餘風以唐
爲猶未亡也邪宋承五季周統因爲僭僞故其
國亡而史錄散佚不新然則馬元康胡恢等迭
有所述今復罕見至山陰陸游著成此書最奇
有法傳者亦寡後世有能秉春秋直筆究明綱
目統緒之旨者或有所考而辨之姑識其端以
俟君子余前忝史館朝廷嘗議脩宋遼三史
而未暇他日太史氏復申前議必將有取於是

書焉集賢大學士奎章閣大學士光祿大夫知
經筵事趙世延序

家兄抱冲藏陸敕先用銚器室手抄校汲古閣
刻本與此大畧相同其足以補正此本者悉識
于行間徐遊傳云持大鐵筵又云納筵中筵之
卽說文籒字竹器可以取粗去細者也廣韻集
韻類篇諸書論之詳矣今本之誤殆不可解藉
陸校而始明故特表而出之嘉慶己未從綴階
二兄偕讀并記願廣圻

雍正歲戊申陽月念又八日借孫氏所藏姚聖

咨依宋槧抄本校讐於采遠徑之孝慈堂灌稼
邨翁王聞遠叔子識時年六十有六

嘉慶己未五月覆校一過畢顧廣圻又記

采石瓜州斃亮記一卷

舊抄本

門人左宣教郎潼川蹇駒編次

昔唐裴晉公平淮西而韓昌黎爲之碑柳州
爲之雅其功業文章輝映簡冊曠古鮮今迄未
有繼之者惟我宣諭尙書虞公當采石瓜洲之
戰以偏師嬰賊前鋒遂能大破虜兵使自屠戮
坐復兩淮之地功業顯著以見于尙書之除命

矣議者迹其事謂不當在平蔡功下潼川蹇公少劉省幹乃尚書公門下士尚慮四方萬里之遠未盡周知就爲紀次之其文質寔典雅筆勢遠軋韓柳蓋與夫靡曼不根者去萬萬矣或曰蜀人素不武此以風聲氣習言也禮不云乎儒以忠信爲甲冑禮義爲干櫓傳不云乎一賢制千里之難一士止百萬之師僕于尚書公得之矣馮持約秀才得此副本施于剞劂以廣其傳異時吾蜀士大夫激昂奮勵以赴功名之會書名竹帛勒功鼎彝寔尚書公之權輿云隆興改

元昭陽協洽秋七月既望得月軒漫叟書

裔夷謀夏錄一卷

舊抄本

劉忠恕著

裔夷者夷狄之裔生長沙漠食腥膻而衣皮居
草處而野寢聚廬托處咸以戎馬鳥獸爲事其
地則烽烟四起嘯叫成羣飲河貉文聚習夷狄
而中國無與且不知中國有教也羈縻勿絕相
與安之何啻天淵之隔不意契丹再世所出有
輕中夏之心金人騷動潛窺中夏幾欲問鼎其
謀四出性雖夷而心則甚鷙也于是中國謀臣

智士往往盡忠王室俾無樂生之念徒有徇國
之譏昔文起山所以有言曰妾婦生何益男兒
死未死壯哉言乎使中國縱際式微之運猶存
殉國之臣使彼不得玩忽我朝者未必非斯人
力也嗚呼天祚不延使干戈日循蛇豕之僭實
甚而得志于中國醜類之惡日彰佐命之身必
罹人患雖鼎鑊不顧也竊嘗思之周書云皇天
無親惟德是輔世際艱難主仍孱弱而據爲虜
人肆虐者抑何德之從耶若天幸有土非人力
所能支蓋氣運之說雖聖主不能挽其造撫心

王室咸欲動天而彼蒼漢有轉于其間也迄自
二聖蒙塵天下鼎沸兀朮撫心使名將功成逐
北之舉一旦可興其間若書生輩何以竟畱惡
泉之轡所以人謀實關天數女真阿骨打親提
兵數萬自其國來會之乃先遣人烏歇橫行中
夏金國議朝廷人敵方臨彼先占雲中士民之
樂生者什無三四州縣殘破百有九十酋議竟
取燕守關之人遂爲彼弑雖主上日資金帛資
賜勇智之臣徒費無益引登明堂入龍德宮寶
錄宮離宮無所不至禮過數倍而皇帝逐北神

人其憤雖中外爲恭順頌德之輩悉皆殄滅也
八月十三日完顏不花八米升堂講賓主之禮
而授回書逆聞風義深慰悅誠茲所謂邊釁之
起外應內合河北河東契丹軍警蚤震童貫箠
勒兵相應累爲之害趙良嗣計議國書所載上
親御翰墨丁寧夾攻本國軍務契丹欺虜人而
有四軍不能制盟心于中國謀日恣而態益驕
中國日疲而計左也進師未暇而中國僅爲正
墟悲夫草莽臣胡濟序

案書錄解題裔夷謀夏錄一卷翰林學士新安

汪藻彥章撰此本題劉忠恕著未知孰是

安南志畧二十卷

文淵閣傳抄本

元黎前撰

高麗史一百三十九卷

抄本

朝鮮正憲大夫工曹判書集賢殿大提學知經筵春秋館事兼成均大司成臣鄭麟趾等奉教修

張氏金吾曰前有景泰二年進書箋景泰二年

朝鮮恭順王

名珙

之元年也凡世家四十六卷志

三十九卷表二卷傳五十卷目錄二卷合一百

三十九卷高麗王氏自梁末帝貞明四年代高氏有其國建元天授稱後高麗傳三十二主歷年四百七十五爲其臣李成桂所篡國亡此書紀王氏一朝之事治亂興廢制度文物粲然可考亦可云高麗之良史矣 四庫全書存目有高麗史二卷蓋偶存之殘帙此則足本也

朝鮮鄭麟趾進高麗史箋 景泰二年

越史略三卷 舊抄本

不啻撰人名氏

東國史略六卷 舊抄本

不著撰人名氏

無名氏手跋曰宋徐兢撰高麗圖經四十卷最爲詳備而於建國世系則畧焉蓋兢宣和奉使時第就一時間見會輯成書上之御府以盡使臣之職不藉攷古爲工也是編由周至於明初國之興替君之賢否官屬之忠邪災祥之互異有綱有目繩貫珠連可云善矣合二書觀之外邦重譯何憂文獻之不足徵乎

東國通鑑五十卷

東洋刊本

明高麗純誠明亮位理功臣崇政大夫達城君

兼弘文館大提學藝文館大提學知經筵春秋

館成均館事徐居正等撰

徐居正進東國通鑑箋

成化二十一年

李克墩序

成化乙巳

爾宋樓藏書志卷二十九

存齋雜纂之六

歸安陸心源剛甫編

史部

時令類

歲華紀麗四卷

張四庵校本

唐韓鄂撰

自序

張氏手跋曰歲華紀麗余家舊藏有明人鈔本
取以對勘一過此本尙無大差謬處補錄前後
序跋遂成完璧彙函各種每多脫譌則此書尙

爲其中之佳本也 詎菴居士記

歲時廣記四十卷

舊鈔本

丁月河舊藏

宋 廣寒僊裔陳元觀纂

劉純序

朱鑑序

是書 四庫全書未收 已列入十萬卷樓叢書

地理類一

三輔黃圖六卷

明刊本

不著撰人名氏

易曰上古穴居而野處後世聖人易之以宮室

上棟下宇以待風雨蓋取諸大壯三代盛時未
聞宮室過制秦穆公居西秦以境地多良材始
大宮觀戎使由余適秦穆公示以宮觀由余曰
使鬼爲之則勞神矣使人爲之則苦人矣是則
穆公時秦之宮室已壯大矣惠文王初都咸陽
取岐雍巨材新作宮室南臨渭北踰涇至於離
宮三百復起阿房未成而亡始皇并滅六國憑
藉富強益爲驕侈殫天下財力以事營繕項羽
入關燒秦宮闕三月火不滅漢高祖有天下始
都長安寔曰西京欲其子孫長安都於此也

長安

本秦之鄉名
高祖作都

至孝武皇帝承文景菲薄之餘恃

邦國阜繁之資土木之役倍秦越舊斤斧之聲
畚插之勞歲月不息益聘其邪心以誇天下也
咎孔子作春秋築一臺新一門必書於經謹其
廢農時奪民力也今哀採秦漢以來宮殿門闕
樓觀池苑在闕輔者著於篇曰三輔黃圖云東
都不與焉

歷代宮殿名一卷

舊鈔本

周翰林學士承旨太中大夫守工部尚書知制

誥上柱國臣李昉等奉聖旨纂

元和郡縣圖志四十卷

影寫宋淳熙刊本
舊藏

惠定宇

周金紫光祿大夫中書侍郎同中書門下平章
事兼集賢殿大學士監修國史上柱國趙國公
臣李吉甫撰

自序

右元和郡縣圖志四十卷唐宰相李吉甫所上
也吉甫病古今地理家著錄不得其要獨取蕭
何收秦圖書而究天下阨塞戶口多少者以爲
準則則不待詳閱其書而其體要卓然可紀也
已吉甫再相蓋元和六年此志自載其所常建

白者二事改復天德舊城則在八年更置宥州
於經略軍則在九年是年十月吉甫遂薨于位
則是書又其當國日久乃始纂述此於唐家郡
縣疆境方面險要必皆熟按當時圖籍言之最
爲可據又其言曰志凡四十七鎮鎮皆有圖冠
其篇首故以圖志名之圖今亡矣獨志存焉耳
憲宗經略諸鎮吉甫實贊成之其於河北淮西
悉嘗圖上地形憲宗得以坐覽要害而諭定策
畫者圖之助多也惜乎其不存志傳寫久有闕
逸又譌誤不敢強補謹書其有益者以示可傳

而已淳熙二年五月一日祕書少監臣程大昌
謹敘

張幾仲帥襄陽且行謂余曰以余之好異書知
世間有甚欲之而無其力者矣之鎮苟暇期取
古書有益者刻本而布傳之庶其費寡而人可
得是亦一爲政也祕藏多書益選擇見授子思
之有元和郡縣圖志者其所記地理多唐家制
度本朝疆理天下率多本唐則是書之備稽究
特與今宜子嘗卽蓬山藏本之末敘列其所以
可傳者矣苟欲該惠夫人則莫此爲要遂錄寄

百子有類書卷之二一
之以遂其雅好幾仲名子顏今以敷文閣待制
在鎮洎熙二年至日新安程大昌泰之書

右元和郡國圖志四十卷目錄二卷唐元和八
年丞相李趙公吉甫所上也後三百六十有三
年今京西牧待制張公幾仲始刻板於襄陽幕
府按新唐藝文志著錄是書爲五十四卷會要
析而兩之一曰州縣郡國圖三十卷一曰郡國
圖其卷與新志同皆冠以元和三者了不相似
以今所刻證之皆非也地理之最莫切於圖書
周官職方氏掌天下之圖要周知其利害沛公

入關蕭何收秦丞相府圖籍具知阨塞戶口多少疆弱處基漢爲雄光武與鄧禹論天下郡國又披輿地圖乃克見則不出戶庭而九州萬里在吾目中如策馬并轡援衣挈領舍此誰則然方趙公爲相疆藩悍帥徂正元餘習擅地自子朝廷莫敢訶而能以期年間易三十六鎮魏田季安病公請以滑任薛平戍重兵邢洺因圖上河北險要憲宗張於浴堂門壁每歎曰朕日按圖信如卿料則其所著書蓋已見之行事矣豈直區區紙上語而已哉幾仲先忠烈王勛在彝

百七十八
卷之二
鼎爲中興社稷臣幾仲濟美稱家文史聲猷有
晉宋勝流風度方守國西門雍容緩帶躡屣于
元凱故蹟一旦天子讀此書悼河山之獨西想
燕冀而忼慨睨爲北顧思有所出趙營平不必
馳至金城圖上方畧馬伏波不必聚米爲山指
畫形勢幾仲知之矣予願拭目焉本作書之旨
則趙公之敘固在今揭于篇首淳熙三年十一
月番陽洪邁書

予顏少有四方志逮長益篤比年數被上委使
尋復領符襄州奏事便殿上諭曰馳驅原隰爾

素志也顧味陋何以克承玉音泊至郡每登峴
山撫中原未始不歎息久之思有以自効者浩
不知其涯焉會故人程刑部寄元和郡縣圖志
閱之矍然有感仰惟明主扼天下之先制羣生
之命者不在茲乎亟用版傳以資有志者籌贊
恢拓之業又得程洪二鉅公題品詳贍斯文爲
不朽矣管司馬子長南游江淮上會稽探禹穴
闢九疑涉汝泗東觀齊魯孔子之遺風西使巴
蜀以還周覽山川故其爲文廣博馳騁古今思
不敏詎敢擬一二唯欲勉馳驅之素志竭絳薄

于異時益有務于是書亦報上之一云洎熙三
年十二月朔旦上秦張子顏書

案此影宋鈔本爲惠定宇舊物卷中有惠棟之
印白文方印定宇朱文方印紅豆書屋白文方
印

元和郡縣圖志四十卷 舊鈔本 洪雅存舊藏

金紫光祿大夫中書侍郎同中書門下平章
事兼集賢殿大學士監修國史上柱國趙國公
臣李吉甫撰

自序

程大昌跋 淳熙二年

又跋

洪邁跋

張于顏跋

太平寰宇記一百九十三卷 舊鈔本

宋朝奉郎太常博士直史館賜緋魚袋樂史撰
臣聞四海同風九州共貫若非聖人握機蹈朽
織成天下何以述此自唐之季率土纏兵裂水
界山窺王盜帝至於五代環五十年雖奄有中
原而未家六合不有所廢其何以興祖龍爲炎

漢之梯獨夫啟成周之路皇天駿命開我宋朝
太祖以握斗步天掃荆蠻而榦吳蜀陛下以呵
雷叱電蕩闢越而縛并汾自是五帝之封疆三
皇之文軌重歸正朔不亦盛乎有以見皇王之
道全開闢之功大其如圖籍之府未修郡縣之
書何以頌萬國之一君表千年之一聖眷言闕
典過在史官雖則賈耽有十道述元和有郡國
志不獨編修太簡抑且朝代不同加以從梁至
周郡國割據更名易地暮四朝三臣今浚波討
源窮本知末不量淺學換成太平寰宇記二百

卷并目錄二卷自河南周于海外至若賈耽之
漏落吉甫之闕遺此盡收焉萬里山河四方險
阻攻守利害訟襲根源伸紙未窮森然在目不
下堂而知五土不出戶而觀萬邦圖籍機權莫
先於此臣職居館殿志在坤輿輒撰此書冀聞
天聽誠慙淺略仰旨宸嚴謹上朝奉郎太常博
士直史館賜緋魚袋臣樂史

輿地紀勝二百卷

影寫宋刊本
刊本影寫

從錢塘何氏藏本

宋東陽王象之編 缺三十二卷

王象之序

嘉定辛巳

李直序

實慶丁亥

□鳳劄子

直齋書錄解題曰輿地紀勝二百卷知江甯縣
金華王象之撰蓋以諸郡圖經節其要略而山
川景物碑刻詩詠初無所遺行在宮闕觀寺寔
冠其首關河版圖之未復者猶不與焉眉山李
說齋季允爲之序

張氏金吾曰是書敘述詳核採摭繁富凡沿革
風俗形勝景物古迹官吏人物仙釋碑記詩文
分門臚載上可作攷證地理之資下可爲登臨

題詠之助其所引書如國朝會要中興會要高
宗聖政中興遺史等書皆傳本久絕藉此得攷
見厓畧伏讀

欽定四庫全書總目云王象之有輿地紀勝二百卷
今未見傳本則亦佚久矣此本從宋雕本影寫
闕卷十三至十六卷五十一至五十四卷一百
三十五至一百四十四卷一百六十八至一百
七十三卷一百九十三至二百其闕三十二卷

新編方輿勝覽七十卷 宋刊宋印本

●建安祝穆和父編

輿地有書尚矣自上世九丘既逸而夏之禹貢
周之職方燦然明備至秦郡縣天下兩漢遂有
地理郡國志歷代多倣之唐圖十道皇朝志九
域皆是物也然秉筆紀載實難文獻不足無以
參稽而互攷非足履目睹則真廣詳畧何從信
之司馬遷貫紬經傳旁採子史又問長老之所
稱而必觀九江望五湖闢四海行淮泗而後成
河渠之書東方朔誦詩書二十二萬言三冬文
史足用又隨師踐赤縣遊五嶽行澤陂息名山
猶以所見參酌山海經而後神異經十洲記始

作學問不博聞見不廣涉歷不親而欲會集四海九州山川風俗土產景物人材文章名數沿革之詳特誣而已建陽祝穆和父本新安人朱文公先生之母黨也幼從文公諸大賢游性溫行淳學富文贍雅有意於是書嘗往來閩浙江淮湖廣閒所至必窮登臨與子有連每相見必孜孜訪風土事經史子集稗官野史金石刻列郡志有可採摭必晝夜鈔錄無倦色蓋爲紀載張本也且許異日成編當以相示如是者累年近訪子錢塘馬城之竹坡曰編成矣敢名以方

輿勝覽而鏡梓以廣其傳庶人人得勝覽也君幸爲序以冠其首予不視所載辭簡而暢事備而核各州風物見於古今詩歌記序之佳者率全篇登入其事實有可拈出者則纂輯爲儷語附於各州之末較之錄此而闕彼舉畧而遺全循訛而失實泛濫於著述而不能含咀其英華者萬萬不侔也信乎其爲勝覽矣學士大夫端坐窗几而欲周知天下操弄翰墨而欲得助江山當覽此書毋庸他及所謂執璫璣以觀大運據要會以觀方來不勞餘力盡在目中信乎其

爲勝覽矣雖然我瞻四方禹迹茫茫思日闕於
先王慨未歸於故疆必也志存乎修攘步極乎
亥章使我和父涉歷彌長聞見彌詳紀載益鋪
張而勝覽益輝煌是乃爲邦家之光予尙得以
搜攘其旁嘉熙乙亥良月望日新安呂午序
始予游諸公閒強予以四六之作不過依陶公
樣初不能工也其後稍識戶牖則酷好編輯郡
志如耆昌歎予亦自莫曉其癖所至輒借圖經
積十餘年方輿風物收拾畧盡出以諭予友乃
見譏曰還如食小魚所得不償勞予恍然自失

益蒐獵古今記序詩文與夫稗官小說之類摘
其要語以附入之予友又喈曰天吳與彩鳳顛
倒在短褐子復愧其破碎斷續而首末之不貫
也又益取夫鉅篇短章所不可闕者悉載今文
大書以提其綱附註以詳其目至三易稿而體
統粗備予友亦印可焉予猶未欲以爲然也既
又攜以謁今御史呂公竹坡先生幸不斥以狂
僭辱爲之序 不足以當也嗟夫管者孔子嘗
曰爲命裨諶草創之世叔討論之行人子羽修
飾之東里子產潤色之夫以一命令之出猶更

四賢之手矧予陋聞謏見徒以兩耳目之所及而欲該天下之事物物坎蛙窺天其不量甚矣雖然世有楊子雲必知是編之不苟豈直爲四六設哉若夫網羅遺逸啟發愚蒙予方有望於博雅君子嘉熙乙亥仲冬旣望建安祝穆和父書

案是書明以後未見刊本此宋刊宋印每葉十四行每行大字十四字小字雙行每行二十三字每葉左線外標篇名當是宋季麻沙刊本呂午序書學東坡頗爲神似

右地理總志之屬

嚴州重修圖經三卷

宋刊本

宋史地理志

周官職方氏掌天下之圖周知其數要漢得秦圖書具知天下阨塞戶口多少強弱處光武中興按司空輿地圖以封諸子歷代放周遂以職方名官至唐立制凡地圖命郡府三年一造與版籍偕上省國朝定令閏年諸州上地圖大中祥符四年詔儒臣纂修圖經頒下州縣俾承之距今百二十有八年矣其間州名有更易軍制

有升降戶口有登耗賦稅有增損毀皆不同而
又艱難以來州縣唯利歛是急趣具目前閭年
之制浸以不舉蓋職方之職廢也紹興七年弁
來承乏嘗訪求歷代沿革國朝典章前賢遺範
率汗漫莫可取正詢之故老則曰是邦當宣和
庚子盜據之後圖籍散亡視他州尤難稽攷乃
喟然歎曰惟嚴爲州山水清絕高賢之遐躅久
以輯睦得名今因嚴陵紀號自唐爲軍事州藝
祖開基首命太宗爲睦州防禦使先帝政和中
悉褒錄祖宗潛藩之地詔升其軍爲節度旣而

出節少府以授今上嘗以親王道臨鎮焉其後
繼世以有天下實太宗蓋是邦而爲真主興王
之地其視少康之綸漢文之代有不足道則地
望顧不重哉而況歷代以來文人才士閒出於
其地勳賢鉅公來爲牧守者相望也庸可以勿
紀乎於是因通判軍州事豫傳有請乃屬僚屬
知建德縣事能道州學教授朱良弼主建德縣
簿汪勃主祠廬縣簿賈廷佐及郡人前漢陽軍
教授喻彥先相與檢訂事實各以類從因舊經
而補緝廣新聞而附見是邦之遺事略具矣豈

特備異日職方與閏月之制抑使爲政者究知風俗利病師範先賢懿績而承學晚生覽之可以輯睦而還舊俗宦達名流望之可以全高風而勵名節詎小補也哉至於紀錄尙或未盡則以俟後之君子紹興己未春正月壬午知軍州事董彝序

先王盛時去建未壞井地既正疆理修明千八百國廣各有王地之圖以周知其地域大司徒所掌是已且司徒掌邦教之任而乃下兼職方之事其亦有說歟蓋民之情性有剛柔輕重遲

速不同不辨其宜而施教焉則有杆格而不相入者是以修其教不易其俗齊其政不易其宜逮秦人罷侯置守亦各有圖漢人入關所收財知阨塞而已司徒辨五地十二壤而施十有二教之制無有也漢氏去古未遠不能復先王之制而郡國雜治况復世去先王益遠而曰復古不其疎乎國朝沿唐郡縣之舊而其經理視唐尤爲盡善大中祥符三年十二月丁巳詔獎翰林學士李宗鷟等上新修諸道圖經由是圖繕大備而嚴之爲州自東漢建安中至是適八百

年矣其遷徙廢置詳載於經郡有板本中更遺
漏不存淳熙甲辰太守陳公公亮下車之初憫
其廢墜而未暇也逾年時和年豐訟簡刑清百
廢具舉課最之餘因取舊經命文富訂正之將
再鋟諸木竊惟此邦之俗舊號輯睦因以名州
可以無事治不可以多事理所謂安於簡易之
政擾之則生事是已自公之開府將再葺矣一
以寬政理惟頑民黠吏始繩之以法故邦人甚
安之因其俗而施其教公已得之此其文可書
者若夫民敷之登降財賦之贏縮軍籍之去留

西牙林東書志卷二十一
三
公館之興廢是則因之否則革之特其粗爾故
書其大者以告後之爲政云歲在丙午正月丁
未迪功郎州學教授劉文富謹序

案是書原本八卷今存卷一至卷三每葉二十
行每行二十字板心大黑口直齋書錄解題所
云新定志八卷郡守東平董弁令升撰紹興已
未也洎熙甲辰武義陳公亮重修者卽此書也
首載建隆元年太宗初頒防禦使詔宣和二年
太上皇帝初授遂安慶源軍節度使詔及敕書
宣和四年遂安慶源軍節度使康王榜文一道

建炎二年聖旨一道次爲建德府城圖二葉嚴
州全境圖七葉每卷有松雪道人朱文方印嚴
蔚豹人白文方印嚴蔚白文長印二酉齋藏書
朱文長印餘詳饒顧堂集

四明圖經十二卷

舊鈔本

朱文長印

山海有經輿地有圖郡邑有圖經此古今所共
由而一日所不可闕者也蓋天下之阨塞戶口
之多寡不有載藉以著其所以然則所謂阨塞
多寡者雖欲具知而不可得此博古之士所以

勒成一書以昭後世而傳無窮也爰自大觀元
年朝廷創置九域圖志局命所在州郡編纂圖
經於是明委郡從事季茂誠等撰述故地理之
遠近戶口之主客與夫物產之異宜貢賦之所
出上而至於人物古跡釋氏道流下而至於山
林江湖橋梁坊陌微而至於羽毛鱗介花木果
蔬藥茗器用之類莫不畢備書成未幾而不幸
厄於兵火遂使存者亡全者燬前日之所成者
泯然而不見制置直閣張公治明之二年政成
民和郡以無事迺登黃堂而歎曰明之爲郡亦

久矣在古爲餘姚之墟在漢爲會稽之境逮唐武德中而卽鄞置縣開元中而卽縣爲州山有四明洞有梨洲有孫興公見之於賦有梅僊虞喜之所廬有任爽董黯之人物有王密房琯之德政有建隆郡守康憲錢公億之墓有熙甯宰相荆國王文公之祠其他山川勝槩章章在人耳目者未易以縷舉而圖經則闕焉詎不可搜訪遺亡以補四明之故事也哉公乃分委僚屬因得舊錄更加採摭纂爲七卷又以篇什碑記等爲五卷附于其末噫年歷四十餘守更數十

政其間非無銳意立事欲作爲一書垂之永遠者或因循未暇今公啟是念於黃堂之上財六旬而編帙粲然大備鳩工刊木昭示將來信乎天下事非立志堅而用意到疇能有成哉乾道五年右修職郎新處州縉雲縣主簿主管學事三山黃鼎序

素張津里貫無攷乾道三年以右朝散大夫直祕閣知明州兼主管沿海制置司公事舉鄉飲酒禮率僚佐與卿士大夫及他方之流寓者敘齒會拜於講堂時惠光寺有妖僧塑神像納老

烏於腹以術咒之以邀利津追妖僧至庭下具
得姦狀剖像果有烏焉逐之境外民以安息見
萬姓統譜是書 四庫未收各家書目均未著
錄此舊鈔本語涉宋帝皆提行蓋從宋本鈔出
卷一總敘明州卷二鄞縣卷三奉化卷四定海
卷五慈溪卷六象山卷七昌國州卷十至十一
詩文卷十二則太守題名記進士題名記也
乾道臨安志殘本三卷 舊鈔本

宋周宗撰

厲氏手跋曰乾道臨安志十五卷宋臨安府尹

吳興周宗彥廣所修也此宋槧本僅一卷至三
卷無序目可稽觀其稱孝宗爲今上紀職官至
宗而訖其爲乾道志無疑吾郡志乘之有名者
北宋圖經久已無攷至南渡建爲行都則此志
居首繼之以施諤淳祐志潛說友咸淳志皆爲
宋人排攢余所見者祇有咸淳志百卷向藏花
山馬氏吳君尺鳧鈔藏尙缺七卷趙君谷林復
購得宋槧本之半固已珍如球璧今孫君晴崖
從都下獲此志雖僅什之一二而當時宮闕官
署城中橋梁坊巷具存職官始末更爲詳晰者

家儲藏著錄未有及此者淙尹京時掠湖濬渠
綽有政績載在宋史其書更可寶也亟錄副本
而歸之樊榭屬鷄跋

三山志四十二卷

鈔本

宋梁克家撰

余領郡暇日訪無諸以來遺蹟故俗聞晉太康
旣置郡之一百一十三年太守陶夔始有撰記
又四百五十六年至唐郡人林謂復增爲之皆
散逸無存者獨最後一百九十二年本朝慶歷
三年郡人林世程所作傳于世自言視前志頗

究悉然不過地理

土物產之大槩哀次

亦復缺畧迄今又一百三十九年興廢增改率
非 闕不書者十九矣追惟在替之事不
可復記 常以爲恨至耳目所接謂未遽泯沒
則又不急於紀錄歲月因循忽莫省憶使來者
復恨之斯古今 爲甚惜也乃約諸里居

與仕於此者相與纂集討尋斷簡援據公牘採
諸長老所傳得之閭里所記上窮千載建創之
始中閱累朝因革之由而益之以今日之所聞
見厥類惟九靡不論載豈惟使四方知是邦於

是爲盛抑鄉古者有攷焉書成爲四十卷名曰
三山志淳熙九年五月八日丁丑清源梁克家
儀願堂集有跋

新安志十卷

舊鈔本

丁小正舊藏

賜進士第中議大夫知鄂州軍府事新安羅

願編

徽爲郡自漢始至於今久矣圖經紀述其事宜
詳也試攷之則遺缺而不備讀者恨焉此新安
志所以作也不悔始將承乏此州而更以圖經
先至見其疎畧卽有意於補次一日對衆客語

之客言新章貢倅羅君蓋志存於此者訪拾編
摩蒐取附益用心勤且舊矣僕爲驚喜因請之
卒業成一家書以表見於時於是新安志出焉
上下千載間博採詳摭論正得失皆有據依釐
爲十卷凡山川道里之險易丁口頃畝之息耗
賦貢物產之閭閻以至州土吏治之風俗人材
皆條理錯綜聚見此書曾無遺者嗚呼可謂盛
也羅君儒學蚤馳雋聲惟其博物洽聞故論載
甚廣而敘其事又有得立言之法讀者必能辨
之趙不晦撰

新安在秦漢爲黟歙二縣漢末別於丹陽以自爲郡其山川風土則已見於中古矣浙江之水出於鄞山則章亥之所步禹之所錄也桐汭之地爲黟故境則楚子西子期之所爭止明之所記也至於漢氏兩以疏封骨肉爲諸侯王國又丹陽都尉之所理會稽太守之所遁皆斑斑著見至梁蕭幾爲新安太守愛其山水始爲之記又有王篤新安記唐有歙州圖經國朝太平興國中詔編廣記往往摭取之至大中祥符中頒李宗諤所修新圖經於天下則由前諸書廢不

顯而官府頃罹陸寇又失祥符所頒特鈔取計
簿益之以里魁亭父之所隱實者編以爲冊餘
五六十年矣私竊悼之間因閱前史及國典并
雜家稗說有及此者稍稍附著後得祥符經於
民間則綱目粗設益訪故老求遺事思輯爲一
書然未果就會邦君趙侯聞之勉使卒業約敕
諸曹遇咨輒報且徧諭屬縣網羅金石之文使
得輔成其說而書出矣夫所爲記山川道里者
非以示廣遠也務知險易不忘戒也其錄丁口
頃畝非以覽富厚也務察息耗毋繇奪也其書

賦貢物產非以給嗜欲也務裁闕陋同民利也
至於州土沿革吏治得失風俗之媿惡與其人
材之眾寡是皆有微旨必使涉於學者纂之上
世九州之志與三墳五典偕號爲帝王遺書而
禹貢職方氏孔子定之以爲經若直鈔取計簿
以爲書則凡吏之善書者足以次之矣其施於
事也亦然若直據令甲以爲治則凡吏之無害
者足以聽之矣蓋世常以此爲無事乎儒而儒
亦卒不可廢於世也豈特此哉凡十卷名曰新
安志侯帝室之胄父子昆季皆以文學取科第

其爲政廉靖不擾人亦相與安之且去猶惓惓於吾土思欲表章之蓋有不可忘者矣淳熙二年三月癸未郡人羅願敘

方氏手跋曰本期黃氏曾刻此書板近藏傅溪程氏而祕不示人小正主人乃一旦得鈔本凡三而以一惠我蓋羅氏後裔所錄者此本字較工楷皆可貴也丙午六月下滌方輔書

新安志十卷

舊鈔本

賜進士第中議大夫知鄂州軍府事新安羅

願編

自序

趙不晦敘

雲間志三卷

舊鈔本

宋 湯潛撰

華亭爲今壯縣生齒繁夥財賦浩穰南距海北
瀕江四境延袤視偏壘遐障所不逮質之寰宇
記輿地廣記元和郡國圖志僅得疆理大畧至
如先賢勝概戶口租稅里巷物產之屬則缺焉
前此邑人蓋嘗編類失之疏畧續雖附見於嘉
禾志然缺遺尙多 元空 觀覽余謬領是邑雖口

困於簿書期會而此心實拳拳今瓜代有期不加討論以詔來者鞅鞅不滿若將終身焉於是元空邑之博雅君子相與講貫疇諸井里攷諸傳記質諸故老有據則書有疑則缺有訛則辨几百里之風土粲然靡所不載至若前輩詩文散落於境內者非一姑撫南渡以前者附於卷末書成而鈐墨公帑假而莫能舉又得邑之賢士大夫鳩工助成是書也雖一邑之事未足以廣見聞異時對友朋則可以資談塵事君父則可以備顧問孰謂其無補歟紹熙癸丑仲冬旦日

奉議郎特差知秀州華亭縣主管勸農公事兼
兵馬都監兼監鹽場主管堰事借緋楊潛謹序
雲間志三卷以紹熙四年六月編次十月書成
預纂修者書氏名於左 從事郎新差監行在
太平惠民南局朱端常 迪功郎新信州州學
教授林至 迪功郎新饒州州學教授胡林卿
奉議郎特差知秀州華亭縣主管勸農公事
兼兵馬都監借緋楊潛

學經室外集雲間志三卷宋楊潛撰見宋史藝
文志按雲間卽今江南之華亭縣在宋時兼今

松江全郡之地此志體例繁簡得中不讓宋人
會稽新安諸志書成於紹熙四年而知縣題名
載至淳祐八年而止則張穎以下三十人是後
人所續又進士題名載至淳祐元年姚勉榜錢
拱之而止則慶元五年趙汝詒以下二十四人
亦後人續入也又載樓鑰等記竝爲後人所增
攷之元徐碩至元嘉禾志華亭一縣全取是書
中語知潛此志爲當時所重矣